

COMUNU DE PRAMMAS

REGULAMENTU PO IMPERAI INTERNET POINT IN BIBLIOTECA

1) ARTÍCULU 1. Obietivus de su servìtziu

"Su servìtziu Internet donat sa possibilitadi a is bibliotecas de soddisfari is abbisòngius informativus e culturalis de is comunidadi localis e de is utentis s'ingulus, e est unu strumentu in prus de informatzioni chi in aciunta a cussus traditzionalis de paperi o multimedialis. Internet in Biblioteca po tantis depit èssiri imperau in coerèntzia cun is obietivus e is funtzionis fundamentalis de s'istitutzioni bibliotecària". (De su Manifesto Internet aprovau de s'IFLA, International Federation of Library Association sand Institutions su 27 de martzu 2002)

Sa Biblioteca de Prammas, aintru de unu processu chi previdit de aumentai is servìtzius riservaus a s'utèntzia, donat, imperendi s'arretza, sa possibilitadi de dispònniri de medas ainas de connoscèntzia, ideas, cultura e de informatzioni, e de aumentai is capassidadi de imperai is tecnologias noas. S'imperu de sa risorsa Internet depit èssiri coerenti cun is funtzionis e is obietivus fundamentalis de sa Biblioteca.

Internet in biblioteca est de considerai, duncas, po su prus, una fonti de informatzionis po circas, stùdiu e documentatzioni.

ARTÍCULU 2. Intrada a is servìtzius

S'intrada a is servìtzius informàticus est permìtiu a is utentis de sa biblioteca.

S'intrada a is servìtzius cumportat s'acetatzioni automàtica e intrea de custu regulamentu.

ARTÍCULU 3. Modalidadi de intrada

S'intrada a is servìtzius informàticus est permìtiu in is oràrius de sa Biblioteca: lunis e cenàbara de is 15.30 a is 19.30 su mèrcuris de is 9.00 a is 13.00.

S'intrada a is postatzionis Internet est personali. S'intrada a is postatzionis Internet est permìtia sceti a is utentis iscritus a sa Biblioteca cun sa tèssera v'àlida.

Est de òbrigu sa registratzioni de is datus personalis e sa fotocòpia de unu documentu de arriconoscimentu. Sa registratzioni benit fata in is Pc de is operadoris de su servìtziu imperendi unu software spetzificu de gestioni utentis. Custu sistema poderat arrastus de is intradas de is utentis e de is situs abbisitaus cunforma a su decretu legislativu de su ministèriu de s'internu de su 16 de austu 2005.

A is utentis benit donada una tèssera nominativa e numerada chi, impari a su salvatàgiu de una password personali fata in s'interis de sa registratzioni de is datus, permitit s'intrada po imperai internet point.

Su servìtziu de navigatzioni in s'arretza no est assistiu de su personali e, de norma, s'utenti fait is circas suas in autonomia. Chi ddui at abbisòngiu is operadoris funt disponìbilis a agiudai a is utentis in is circas e/o a imperai su computer.

Su tempus a dispositzioni po sa navigatzioni est de 60 minutus.

Dònnia postatzioni multimediali podit èssiri imperada màssimu de duas personas in sa pròpriu ora.

Imperu de su servìtziu de parti de is minoris:

Is utentis minoris de 14 annus depint èssiri acumpangiaus de is genitoris o de is tutoris legalis in s'intrada a su servìtziu Internet.

Is utentis minoris de is 14 annus a is 18 annus depint èssiri autorizaus cun unu scritu de is genitoris o de is tutoris legalis po pòdiri intrai a su servìtziu Internet.

ARTÍCULU 4. Servìtzius disponìbilis

1. Navigai in is pàginas web de Internet
2. Videoscritura
3. Consultazioni de catàlogus on e offline
4. Circas
5. Consultazioni de cd rom àudiu e videu
6. Visioni Dvd
7. Intraì a sa casella personali de posta eletrònica
8. Spediri messàgius de posta eletrònica cun su browser, sentza de ndi mudai is configurazioni
9. In is lùmitis de sa normativa de su deretu de autori, s'utenti podit scarrigai/imprentai materialis documentàrius de s'arretza fintzas a unu màssimu de 5 follus.

ARTÍCULU 5. Servìtzius non disponìbilis

Est Vietau:

1. Intraì a situs Internet cun contentus illegalis o chi podint fai dannu a is atrezaduras e, in generali, intraì a situs chi po is contentus e màginis siant in cuntrastu cun is finalidadis pùblicas de su servìtziu (situs pornogràficus, eròticus, etc.). Unu software apòsitu at a blocai cumentis chi siat s'intrada a custu tipu de situs.
2. Installai software de calisiat tipu (es. po sonerias po telefoneddus, etc.)
3. Fai download de software de calisiat genia de Internet o de suportus de memorizazioni non virgini de proprietadi de s'utenti
4. Intraì a chat o imperai software destinau a custu scopu
5. Fai atividadis personalis e de arrecreu
6. Configurai client po arriciri posta eletrònica, Instant messaging, Telefonadas virtualis
7. In generali sa consultazioni de risursas chi non bessint paris cun is finalidadis de sa Biblioteca
8. Non est permìtia sa consultazioni de cd-rom o de atrus suportu chi non siant de proprietadi de sa biblioteca.
9. A s'utenti non est permìtiu nisciunu manixu de is atrezaduras postas a dispositzioni de sa Biblioteca.
10. Intraì a situs o a pediri prestazioni e servìtzius a pagamentu
11. Cambiai, fuliai o fai dannus a is configurazioni software e hardware de is computer de su servìtziu
12. Non est permìtiu a comporai on-line o atru tipu de cuncàmbia econòmica.
13. Non est permìtiu a pigai parti a giogus in linia, forum, chat o atras atividadis chi pedint de imbiai comunicazioni in s'arretza.
14. Scancellai, mudai o cambiai in calisiat forma o modu is datus presentis in sa màchina

S'utenti s'impinniat fintzas a:

1. Arrispetai custas règulas po s'imperu:
Non portai perunu strubu o dannu a is atrus chi imperant s'arretza mandendi messàgius de posta eletrònica cumercialis, de propaganda, publicitàrius, chi atinint a argumentus/pràticas discutibilis (es. Cadena de S. Antoni) o messagiis informativus non agradèssius
2. Non fai atzioni de "mail indiscriminato-spamming"
3. Arrispetai is leis in vigori in matèria de deretu de autori e tutela de sa privacy cumentis a a is normas penalis relativas a su setori informàticu, in prus a dònna atra dispositzioni de lei
4. Si pigai totu sa responsabilidadi po su chi est scritu in is messàgius imbiaus

5. Arriconosci ca su servìtziu non est responsàbili in nisciunu modu po su contenutu, sa calidadi, sa valididadi de calisiat informatzioni agatada in s'arretza
6. Imperai sceti suportus virginis (Floppy disk, cd rom, dvd e atru) chi non funt de sa biblioteca
7. Libera s'Amministratzioni de calisiat responsabilitadi po calisiat fatu incapitau a sei etotu o a atrus in s'interis de su collegamentu internet in sa postatzioni posta a dispositzioni de su servìtziu
8. Si pigai in generali dònna responsabilitadi chi arresurtat de s'imperu de su servìtziu internet

Is utentis funt responsabilis de is dannus incapitau a is atrezaduras.

Acabada sa navigatzioni est vietau a ndi studai is computer. Po calisiat problema (de connessioni o de su sistema operativu) si podit pediri a is operadoris.

ARTÍCULU 6. Tarifas

Su servìtziu est in donu

ARTÍCULU 7. Santzionis

Acraradas violatzionis de su regulamentu podint cumportai: interrutzioni de sa sessioni; sa suspensioni o esclusioni de s'intrada a su servìtziu; s'ativatzioni de proceduras de rivalsa econòmica po pagai is dannus provocaus po no àiri osservau custas normas.